



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Petri Ribadeneiræ, Societatis Iesv Presbyteri, De
Tribulationibus huius seculi Libri Duo**

Ribadeneyra, Pedro de

Coloniae, 1604

III. Quòd Deus auctor sit Tribulationum quas homo sustinet, & vtatur
creaturis ad affligendum.

[urn:nbn:de:hbz:466:1-50340](https://nbn-resolving.org/urn:nbn:de:hbz:466:1-50340)

ipſos inter ſcientes exiſtimant morte miſerias & calamitates huius vitæ finiri. Deſinamus igitur mirari hominem inter cognatos & parentes non eſſe ſecurum, qui à ſeipſo tam parum tutus eſt. Quapropter ſi cælum & terra, ſi aqua & ignis, ſi elementa & creaturæ omnes, ſi Angeli & Dæmones, ſi Deus etiam alioquin infinite bonus homini aduerſatur, & affligendo eum contriſtat, ſi homo denique ipſe ſui ſimilibus crudelis, adeoque ſibiipſi infeſtus eſt, neceſſarium erit vt patienter pœnas, & tribulationes perferamus, quando inter tot tamque potentes inimicos, planè debiles, inermes & omni auxilio deſtituti exiſtimus.

CAPVT III.

*QVOD DEVS AVTHOR SIT TRIBV-
lationum quas homo ſuſtinet, & vtatur
creaturis ad affligendum.*

Postquã moleſtijs vndiq; cincti & circumdati ſumus, nec quisq; quoad viuit ab iſſdẽ liberari poteſt; vtile erit p̄uidere quo remedio vtendũ, quodũcõ ſiliũ capiendũ ſit, quãdo torrētis inſtar tribulationũ p̄cellæ exurgēt ſu p̄ nos & exũdabũt. Considerãdũ itaq; nobis eſt, vnde procedãt, q̄s author, & quæ cauſa tribulationũ ſit, vt originẽ illarũ agnoſcentes, facilius ijs occurrere & mederi poſſimus.

A G Deus

12 DE TRIBVLATIONE

Deus ac Dominus noster prima & vni-
 uersalis causa est omnium rerum: & si-
 cut suum esse recipiunt à Deo, sine quo
 in momento ad nihilum rediguntur; ita
 quoq; esse illud, quod receperunt ex vo-
 luntate ipsius tanquam radius ex Sole, &
 aqua ex fonte dependet: & sicuti radius
 nullus apparet, si sol nō luceat, nec aqua,
 si fons obstruatur: sic etiam creatura nul-
 la subsistere potest, si Deus potētem ma-
 num suam, quā cuncta gubernat & con-
 seruat, aliquantulum retrahat. Quod de
 esse vel natura dicimus, idē omninō
 de operibus creaturarum intelligendū
 est. Quemadmodū enim creatura du-
 rare nequit, si ipsi suum esse denegetur;
 ita & opera exercere & functiones suas
 exequi non potest, nisi Deus operetur cū
 illa, viresque ad operandum suppetat,
 quia causæ quas appellant secundas ita
 sibi inuicem coherant, adeoque primæ
 subiectæ sunt, vt nulla penitus subsistat
 & se moueat sine virtute primæ, quæ mo-
 uet reliquas, & potestatem seu medium
 peragēdi munera tribuit, operatur in &
 cū illis, cū tanta tamq; mirabili efficacia
 ac perfectione, vt omnes effectus causa-
 rum secundarum magis primæ quam i-
 psarum proprii reputandi sint. Vt quan-
 do Sol nos illuminat, ignis calefacit, ci-
 bus;

bus nutrit, licet effectus isti propriè attri-
buantur causis particularibus, Deum ta-
men potius & magis propriè nos illumi-
nare, calefacere, & nutrire dicimus, quã
creaturas, quibus talis virtus data est.
Nam vii esse, vita, & motus humani cor-
poris omninò dependent ab anima, sine
qua vitæ & motus expers, nullam ope-
randi potentiam habet: ita esse, vita, &
effectus omnium creaturarum propriè
Deo ascribèdi sunt, tanquam primæ &
principali causæ, præsertim cum mouē-
di agendiue virtus, quam habent, non sit
ex proprio incremento: neque enim mo-
uere se, nec quicquam agere possent, nisi
Deus assisteret illis, & tanquam instru-
mētis quibusdam ad operandum neces-
sarijs vteretur. Quia quemadmodum nō
penicillum, sed pictorem imaginem pin-
xisse, nec calamum, sed scribam episto-
lam exarasse dicimus: sic etiam effectus
ad creaturas nō quasi ad principales cau-
sas, sed veluti ad instrumenta primæ &
supremæ causæ, diuinæ scilicet volunta-
tis, referre debemus. Pulchra & perutilis
est hæc consideratio, per quam Deum in
creaturis suis recognoscētes, & coram i-
pso perfectè ambulamus, & accidentia
diuersa de manu illius gratanter suscipi-
mus, siue bona illa sint, siue mala.

A 7:

His,

His intellectis, sequitur alia non minoris utilitatis & cōsolationis doctrina, videlicet Deum primam & principalem esse causam omniū tribulationum quas sustinemus, quandoquidem ad correctionem nostram instar flagelli cuiusdam utitur creaturis minimis & abiectissimis, quæ tanquam boni milites Regi suo obtemperantes, mandata & iussa illius fidelissimè exequuntur: pugnabit enim Deus aduersus hominem in die vniuersalis iudicij, & armabit creaturam ad vltionem inimicorum, & pugnabit cum illo orbis terrarum contra insensatos. Igitur ad illum usque diem velitationes varias experimur in mundo, secundum vsum belli. fames enim & pestis, belli tumultus & terræmotus, venti similiter & tempestates, aliaque innumera angustant hominem, & nisi fræna Deus ipsis inijceret, penitus in illum irruerent, ac trucidarent: sed diuina clementia nos percuti quidem & affligi, occidi verò non permittit, vt sit leuis aliqua concertatio, nō autem pugna vel prælium ordinatum. quod se à Principe Apostolorum Petro didicisse testatur Clemens. Neque idcirco existimandum Deum creaturarum opera indigere, vt nos castiget ac corrigat, quia affligere magis non potest, quam si auersus nos

disso-

Sapient. 5.

*Lib. 5. suarū
recog.*

desolatos relinquat; vtitur tamē creaturis subinde fragilioribus, vt Dominum ipsum agnoscamus vniuersorum, qui per infirmas etiam & abiectissimas bestiolas, iustitiā suā exequitur, & iniuriā vindicat.

Fuerunt, si fides est scriptoribus, non homines solū plebei & sortis vilioris, verū etiam Reges & Monarchæ potētes, quos pediculi, vermes, & mures, viuos corroserunt ac deuorârunt. Ciniphes & ranæ, locustæ item & muscæ afflixaerunt & deuastauerunt vniuersam terram Aegypti. Misit etiam Deus antecessores exercitus sui vespas, & exterminauit omnes inhabitātes terrā Chanaan. Mures iniuriā Arcæ Dei illatā vlciscentes, insurrexerūt cōtra Philisthym, & Hattonem Archiepiscopum Moguntinum ob crudelitātē in pauperes, & Pompei quendam Poloniae Regem, quod nepotes curæ & fidei suæ cōmissos veneno necasset, vna cū vxore sceleris particeps, crudelissimē interfectos deuorârūt. Cuniculos Hispaniæ, talpas Macedoniæ oppidū penitus euertisse author est Plinius. Et quid multa? Cū Sapore Rex Persarū Nisibis urbē obsidione grauissima coāgustaret, Iacobus eiusdē Episcopus humiliter diuinū deprecabatur auxiliū, & cōtinuò ingētia ciniphū & culicū examina instar nubiū, Per-

larum

Exod. 8. 10.

Sap. 12. 1

1. Reg. 5.

Geneb. in Chronag.

anno 970.

Plin. lib. 8. cap. 29.

Theod. Hist. lib. 2. cap. 30.

farum copijs circumfunduntur: atque tum elephantorum proboscides, tum equorum aliorumque iumentorum aures ac nares inuaserunt, adeoque moribus suis bestias irritauerunt, ut quasi furijs exagitatae fræna rumperent, sessores excuterent, aciem disturbarent, ac relicto tandem exercitu fugerent. Igitur Rex necessitate coactus receptui canere, & copias ab vrbe discedere furibundus iubet.

*Baron. in
martyr. 18.
Mart.*

Aliud simile in Hispania accidisse refert Baronius. Nam Gerunda ciuitate à Carolo Siciliae & Philippo Francorum Regibus intercepta, cum milites (ut est id genus hominum sceleratissimum) inter cætera facinora nec à reliquijs abstinentes, sepulchrum S. Narcisci violare attentarent, illicò maxima muscarum multitudo ex eodem egressa, in exercitum infesto agmine irruit, ingenti que clade affectum in fugam conuertit, & à cœptis penitus desistere coëgit, quare in hunc usque diem (Musca S. Narcissi) Hispanis prouerbiū est. Innumera penè huiusmodi exempla in historijs & gestis Sæctorum leguntur, quibus manifestè declaratur, Deum esse vnicū & supremū Dōminum & Rectorem vniuersorum, qui hominem diuersimodè affligendo etiam creaturarum maximè debiliū ministe-

ministerio vtitur, ad ostendendam diuina potentia virtutem.

CAPVT IV.

QVOD ALITER DEVS, ALITER creatura sit tribulationis causa.

Diligenter aduertendum est, hominem dupliciter à creaturis cruciari. Aliquando enim non tam creaturæ, quàm Deus, aliquando verò creaturæ propriè causant tribulationem: nam licet Deus creaturis affligentibus coope- retur, non tamen omnibus eodem modo. Quamobrem cum perspicuum sit, si nauis tempestate euerfa pereat, si diluuium terræ partem absumat, si pestis regiones deuastet, & ignis domos incendat, in his alijsque similibus casibus, creaturas non esse culpandas, tum quod peccati capaces non sunt, tum etiam quia naturæ instinctu, & Dei volūtate sequuntur: merito tales creaturarum effectus Deo propriè attribuuntur, quandoquidem omne esse, omnisque virtus & fortitudo earum ab illo dependet, vti declarauimus.

Neque tamen idcirco putandum, creaturas prorsus immunes esse à culpa, quia tribulationes sunt, quarum causæ in Deum
cades-